

盾

墨

拾

餘

云東集序

生中原多事之日天子宵旰憤咤蒿目雪涕殷憂於上凡踐食毛土愛國深恩不能奮身號召感激効死屠磔夷羯以助張朝廷如天之威已非壯夫氣矣矧揚揚如平時欲永保富貴爲妻妾子孫光寵計不敢出一言發一策至瘖瘖墨墨如偶人形不能動音響閉氣噤口懼夫以憂悲謠歌諷諭感切者蹈時網損宦達之趣此其人雖闖闖賤傭馬醫夏畦之儔猶且忿唾若忠誓匪席矢死靡佗鬱悒哀曲發爲歌詩至涕洟淋漓不可禁止每當撫膺一慟欲絕固不可昭融盛朝之元音少裨夫朝廷徒無聊之極思哉

余嘗懷哭盦以彼絕奇之材瑩鋒如干將莫耶淬甘露拂  
霓雨燿燿若日爛爛若電若少委蛇以希用其材宜無不  
如意願當有窮愁箸書事耶觀哭盦至以其詩鳴而益嗟  
歎夫古之人屈原賈生之徒盡悲悼於楚漢之朝而哭泣  
無已也哭盦之哭非爲詩也其詩太白所能也其脫屣顯  
官去不顧猶太白也白從李臨淮軍病不果行哭盦今從  
軍渝關有去志要其忠孝之至性乃白所未逮者其詩哭  
其自號焉者亦曰哭何悲之深耶然哭盦自髫髻時已字  
哭盦則余懼弗能知矣時乙未春季英山鄙人王鐵珊再  
拜謹上言

魂東集序

哭龔大師幽居母服仄聞主憂哀思清霄之表精越廣漠  
之野壹氣孔神撫情効志去郢東遷進路北次存子推之  
餘年抗申徒之曩節毛錐未擲手纓自長請劍之奏畱中  
執殳之驅不前發軔天津騎霓南土橫海徒壯下亭終旅  
玉關生度願違棄繻金庭幽通問託呵壁精衛冤結怨水  
罔填鶴周淚澌忿泉斯涌氣繚轉而自締思蹇產而弗釋  
夢登天而無杭隨飄風之所仍營營識路皎皎往來一夕  
九逝大招四方廓抱景而獨倚中抒懷以屬詩斫地促響  
切雲長號因魂所遊厥篇以名嗚呼繪漢陽之板蕩惟主

悲哀愴河上之逍遙何期功業心寒魴燬血熱鼠思亞車  
逐逐養空以流縞袂縞縞拭淚而唸望長沙而不返舉魚  
待枯睇靈嶽以永謠梁鴻有寄所遇屯如其氣悲哉谷神  
未死山鬼時來慷慨歌燕淒壯激楚杜甫七哀蘭成一賦  
窮者達言勞者述事興感帷幄足備輜軒豈徒孤憤聊寫  
公忠曩維護背秋萎草心春短蛇年起起烏夜鳴鳴中郎  
之廬墓白兔猶馴王母之增城青鳥不至眷眷天閭淒淒  
人海每亟殉身僅爾畱命希彭咸以並蹤慟劉潛而欲絕  
親喪罔極時艱又叢瀛洲波沸韓京陸沈扶桑燭火燎東  
海之原孤竹虛墟隕西山之涕舳艫黑燄燒殘柳城欃槍

白芒黯凌榆塞匈奴侵邊甲士出戍陳戲兒之軍八公雞  
犬老勤王之兵三戶貔貅樞密內奸節度外宄莫擣黃龍  
竟逞白馬藩籬失固畿甸胥驚旣構高目足令棘心煩冤  
憊憊馳騁渺渺身雖棲乎南國神已宅乎朔方起舞半夜  
激枕戈之情誓清中原決與櫬之志申且駕螭甲鼉步馬  
同越石以其被著士雅之先鞭薄浮江淮狂走幽薊爰奮  
效死之氣粵有告哀之篇阮生詠懷謝公紀游祇傷王室  
詎悲身世都爲一集始號魂北多魚之師漏于遼塞唳鶴  
之警偏于陪都南榮靡期東征云賦歷太皓而右轉過句  
芒以前驅上馬殺賊之豪探虎得子之壯唐山弭節渝關

稅車元覽秦城嘅登魏壘從戎墨經公子依劉當陣白衣  
小軍知薛佐雄鎮以參謀請前敵而不許斧柯莫假長喟  
龜山之陰鼙鼓每聞將老龍城之戍上將靡戰深宮和戎  
露布莫草髀拊丁年雪衣皆麻心酸子夜上匡時之策伏  
闕徒然拜出師之表投筆已矣陳志無路離憂苦神矚滄  
桑以愴悽寓絲竹之陶寫胡笳抒其沈菴羌笛助其嘯吟  
從軍之曲出塞之聲凌步王粲抗懷陸機非羈旅而無友  
作歌辭以相和播之樂府吹之中軍墨志畫章白行陳情  
遠維前圖近馭恆幹此魂東之詩所由繼魂北而集也假  
使朱雲伏檻復斬佞臣之頭終軍請纓竟繫降王之頸王

寵當道董龍匿形申包胥之氣盛能復危亡岳武穆之功  
成會看痛飲長人投首十日潛精橫鏜奏凱磨盾紀行銘  
在燕然賡之象闕昌黎豐碑義山長歌舒志抽馮揚詞烈  
采矣豈期亂厭自天欲不從民人皆安后坐鎮臨敵之風  
朝多魏絳主持和親之議賈豫州之子社稷輸人嚴分宜  
之兒狼狽賣國仰息契丹承意顏白志士痛心天下指髮  
極運不中董道不豫由來孝子爲求忠之門長使英雄無  
用武之地出車徒勞及關而歎孤桐鳴鳳志極無旁枯楊  
冤雖聲何彌苦鬱其忠悃託此哀歌悲夫傳幹君親之痛  
袁安家國之感惟以寫憂自然流涕遠高陽而莫程鳩告



空要遇豐隆而不將虬驂罔導結念九鴻馳精入龍惆悵  
世維屏營塵表素冠壯士慘歌易水之濱碧海遺黎待命  
田橫之島願舒幽憤長握神精穆如清風壯茲回日他年  
獻頌功當邁諸錢鏐此日諷詞招無待乎宋玉六合田其  
田謹敘

四魂集卷二

哭盒叢書

易順鼎哭盒

魂東集詩一百一首

和黃鹿荃贈行韻追憶同在海舟看日出並題其集獻王

祠與蕃使唱和詩冊

甲午十二月

海天共看一鳥躍歲月真如八駿奔執手十年堪痛哭覘  
顏七尺尙生存未依拱木爲冤魄那向扶桑作厲魂明日  
便投龍伯國與君長隔鳳城關

以日華宮君子館爲雲夢澤洞庭湖故鄉近喜多奇士亡

國猶聞有大夫豎裏鬢眉周及漢

獻王祠卽箴輔先賢祠首祀伯夷

劔邊

肝膽越兼胡賴君詩虎酒龍在未許東籬西牒無

自都赴關感懷留別四首

捷書猶未奏甘泉我亦同仇願戍邊冰雪載塗關塞外風  
雲變色國門前聞鶻鷄下天津淚射虎將終杜曲年多謝  
良朋作豪語黃龍飲罷勒燕然

掩淚真同別弟兄

馮夢華王夢湘周瑞生陳魯詹四君與  
余相聞皆不啻昆弟魯詹以其子定生

從余行登車何暇念澄澗往歌來哭謠稠父死別生離贈少

卿古道衰蘭勞送客廢池喬木倦言兵回頭宣武城南路

祇恐重來馬角生

去掛雲帆掃落花

王伯棠集直掛雲帆濟滄海關與  
仙人掃落花二語手書楮帖相贈仙愁

靈怨滿征車白龍鱗甲爲刀柄翠鳳毛翎作帚又天上人

閒兒奉母江南塞北客思家瑤壇骨肉金門手幾夜分明

寫玉沙

連夕設壇設此母姊與白仙皆降扶乩者沙鼎仲孝廉陝小仲拔萃及笠堂舅氏也

鶯肩豈願客常何馬革草原思學伏波無定河邊新鬼在長  
安市上故人多南冠泣漫同周顛左蠶書當屈趙佗明日  
三垂岡下路銷魂獨唱百年歌

漫題

彼蒼冒頓爲驕子元氣文康是老親中露哀誰救黎國上  
雲樂早唱胡人吾其左衽嗟微管客有南冠不帝秦佞臣  
欲賣盧龍塞志士甘投白馬津願效狄山乘一障恥教函

谷返踰輪

與夢湘別

交情蘇李廿年論淚到河梁不可吞  
碧草綠波猶恨別紫臺青冢更銷魂  
秋笳異日搜遺集春夢今生賸斷痕  
彷彿公車前度否蹇驢破帽出都門

諸將五首用杜韻

錦州城上望松山聞道王師此入關  
秦代長城斜日裏漢家故壘暮雲閒  
多時驕虜狼煙黑幾日元戎馬汗殷  
十萬健兒好身手捷書早晚慰天顏

廿年李相是長城都望雲霓出旆旌  
豈意淮淝諸將壘翻

成草木八公兵燕遼氛惡疆頻蹙  
渤海揚海豈清永夜  
登臺望星斗泰階終竟幾時平

傾海難澆歲暮烽寒威空透鐵衣  
重白狼河遠冰全合元  
菟城孤雪久封慘澹旌旗諸道  
戍艱難杼柚萬方供抱薪  
救火堪長歎他日歸農祇病農

幾人青史姓名標戰骨成灰恨未銷  
蛟蜃攫人波汨汨烏  
鷲啄肉野寥寥他年紫閣看圖象  
此日黃塵葬錦貂甲馬  
空中知不遠英靈長保 聖明朝

三湘萬里荷戈來邊塞蕭條牧馬  
哀屬國未收蒼海郡單  
于猶在白登臺欣看北極揮神筆  
誓取東溟作壽杯眼底

元黃憂未已風雷速鑄九州才

天津除夕四首

春明門外獨徬徨重踏京塵已八霜  
城郭人民丁令鶴樓臺冠劍子卿羊  
閒身籌國非青瑣幽憤箋天有綠章  
負盡初心空自點榆關東去路茫茫

修蛇赴壑不遷延爆竹聲中淚雨懸  
久分他鄉皆死所誰期此日尙生年  
傷心北雪嘶胡馬轉眼東風哭杜鵑  
望斷家山七千里幾時正首墓門前

漫向冰天悔此行短衣羽箭試長征  
鞭鼉碣石懷秦帝東馬令支壯管生  
七二丁沽燕地水八千子弟楚人兵  
射雕

便到陰山去正要匈奴識姓名

愴懷家國誓捐軀天上騎箕理不誣教學范滂蘇軾母戒

同伯蘇屈原嬖指母姊降亂事兵符半夜傳元女神筆新年降紫

姑明日揚鞭指東海此身能作仲連無

東晦若乙未正月

入山披髮有前蹤豈慕人間萬戶封洗面淚同唐後主蒙

塵辱比宋徽宗禪心半死參黃蘗仙骨三生訪赤松西望

田盤東碣石海天空闊好攜筇

東朝鮮李誠齋參判

某徐倉山金死蓬島塵揚海水飛聞道湘人多廢



酒指黃鹿劇憐藩使尙停駢雲迷鉅鹿諸侯壁雪滿蒼龍  
大將旂君莫登高望鄉國故園我亦夢中歸

天津人日雪後用尖叉韻二首

龍韞虛空御月織羊裘身世客星巖成珠好擲麻姑米調  
鼎空堆傳說鹽元菟凍煙凝萬竈白狼晴雷滴千檐八叉  
手已同龜手置筆應須向腳尖

關河寥落絕飛鴉痛哭南冠坐北車龍甲七千餘里玉鳳  
翎三十幾天花午橋丙舍懷鄉縣甲帳丁年感漢家夢裏  
故山如畫裏滿湖風色凍魚叉

再柬朝鮮李參判二首

哀弦豈願播雞林爲攬瀛寰感不禁風馬牛成盟楚事雲

龍鳥負問郟心廿年涕淚湘靈瑟萬里波濤海客琴欲喚

四連

大連少連成連仲連

魂魄起相攜痛哭暮雲陰

春明八載擷蘭茝

余不至都八年矣去年至都得晤諸故人讀龍喜社集

舊雨挑鐙

語淚江三楚尊槃龍喜社九夷冠劔鳳嬉邦

出論語緯

京塵送

客紅迷路海月懷人白到窗爲報今年消息好鑄池君已

璧遺雙

疊前韻四首寄夢湘伯棠

手持恨塊與悲泉傾向崑崙渤海邊行盡人間欲天上恍  
從死後記生前黎牀卓帽何身世燦闕寒門有歲年北極

崢嶸三萬里幾曾目覩燭龍然

爰絲弟又灌夫兄執手欷歔見海清痛哭年華銷賈傅窮  
愁仕宦賺虞卿如龍如虎詩無敵爲鶴爲猿國有兵擣麝  
成塵吾不悔芬芳裏袖兩王生

飛雪榆關冷劒花南冠人坐北轅車今年殺豨飛將上昨  
日鯨魚凍可又覓得屠蘇劉白墮借來廣柳魯朱家與君  
重會知何日恐作盧龍塞上沙

詩律攀陰更掩何目成幽怨滿湘波藐姑冰雪神人在碣  
石雲濤鬼伯多赤手擎天才有幾紅顏畱命語無他來生  
願作桓山鳥那判吳歌復楚歌

將赴山海關再疊前韻四首寄夢湘伯棠

餘生猶作出山泉，鳴咽奔流到海邊。  
狼跋其胡難顧後，鯨磨厥齒正當前。  
雲濤宋玉招魂地，風木皋魚立槁年。  
爲語世人休欲殺，死灰本不樂重然。

阿父思兒弟，念兄新春故國楚。  
波清陰山大雪空，懷武易水悲風未返卿。  
忍下鱸羹張翰箸，愁聞鶴唳陸機兵。  
閨中病婦還腸斷，滴淚空江白芷生。

驚看霧淞似梅花，冰柱崢嶸共雪車。  
天外亂山無數疊，夢中歸路幾多叉。  
射魚射虎行千里，屠狗屠龍學雜家。  
寄謝匡廬猿與鶴，小人祇分化蟲沙。

江湖鴻雁意如何天末涼風起大波麟鳳方宜爲時出魚  
羊忍見食人多自知朝露生如寄長戀春暉死靡他馬上  
惓惓一回首聊將痛哭當驪歌

自津乘泰西車一日抵關四首

北征孤竹臨卑耳東射扶桑抵貫胸滿眼千軍盡鳧藻低  
頭雙袖獨龍鍾渝關夜雪深三尺碣石寒雲莽萬重那得  
身成邊塞土便堪魂返墓門松

人笑希文窮塞主我隨李廣故將軍江陵白帝纔朝暮秦  
嶺藍關互雪雲盾鼻此時呵凍墨旄頭何日掃妖氛旗應  
西降瑤池母椎欲東求滄海君

氣吞東海無秦帝身戴南冠是楚囚出處豈忘溝壑志安  
危長念廟堂憂王郎露處終何益列子風行始自由未化  
寃禽塞寃海卻乘神馬越神州

秦皇島外渾無地姜女祠旁別有天口討非人亦非鬼不  
知何世又何年小戎板屋勞心田元夜昆崙浴眼前誰識  
軍中腸斷客已成世上肉飛仙

十六夜山海關望月

十萬軍中一客孤五千里外片輪俱儘催故國紅顏老休  
照長城白骨枯人對亂山聞畫角天圍大海作冰壺嫦娥  
感慨應同我姜女精靈正哭夫

渝關軍中三疊前韻

隴頭流水峽中泉併作風濤到耳邊  
鼉憤龍愁滄海外猿驚鶴怨草堂前  
餘生渤海從軍日隔世匡廬奉母年  
萬事如今長已矣九原幾歲得歡然

東西帝與北南兄寰海難期睹鏡清  
九牧夏金空鑄怪一池春水不干卿  
冰霜匝地盧龍塞烽火連天鉅鹿兵  
我效晉臣祈死久秦皇何事慕長生

漫對滄溟眩眼花昔賢無數作南車  
釣鼉射虎人同姓

李廣

李扣馬飛熊路兩叉

夷齊

蔓草難尋二田

田橫

骨煙波何

處四連

大連少連成連仲連

悠悠天地茫茫海惟見寒濤怒捲沙

憂天弔古淚如何精衛終填恨海波阜帽遼東歸路斷白  
衣易水哭聲多秦城戍卒愁邪許周道征夫怨委佗太乙  
雲君湘女後請廣山鬼國殤歌

書事

橫海樓船慘鼓鼙臨淮壁壘黯旌旗棘門灞上皆兒戲太  
液昆明是水嬉久費贊皇籌的博空閩德遠敗符離卻將  
杜老陳濤痛併作靈均楚澤悲

聞晦若隨使日本賦此寄之

探虎穴方得虎子使狗國勿入狗門雲汝衣裳龍鳥往風  
其臣妾馬牛奔千駟名豈蔽蔽重六鼈氣可搏桑吞君當



勉從班定遠吾亦將學楊王孫行矣孔璋善自愛悲哉宋  
玉徒銷魂

關城登眺用柳子厚韻

榆關城接塞垣荒萬里愁心入混茫春水綠浮天外島夕  
陽紅上海邊牆秦皇締造空回首楚客登臨各斷腸安得  
騎麟披髮去御風遊戲白雲鄉

觀老龍頭礮臺登澄海樓讀高宗御製詩感賦

經行營壘愆奇才周覽瀛壖驗劫灰趙幟豈容登漢壁蚩  
弓何敢射軒臺東看浴日亭邊日西聽無雷國裏雷莫弔  
燕昭與秦始先皇遺翰令人哀

大雪偕義甯丈雪中登澄海樓有作

丈人憂國客思家豈意長城其馬撾水欲接天天接水花  
難如雪雪如花籌橫海艦橫江鎖感博浪椎博望槎百萬  
龍鱗雙鶴筆茫茫歌哭此年華

雪中感事

二月

邊城二月客踟躕雪海冰天柳未舒緊急春寒如戰事遲  
延花信似家書放牛歸馬期應近射虎屠龍願恐虛縱得  
生還將立槁封侯幾見到皋魚

後海上雜感十首用前韻兼會洪君用父

雄關悲壯海蒼涼二月春深有雪霜已分形骸化枯朽豈

期懷袖襲芬芳兵戈醞釀千行淚身世消磨一寸腸欲繼  
田橫歌薤曲茫茫六合盡尸鄉

兒未長眠母竟眠似聞天上已安禪餘生暫戀君兼父萬  
劫同歸佛與仙故國鵑嗁悲子舍殊鄉羝乳痛丁年欲登  
彼岸回頭是恨海無邊卻有邊

卅載宵衣頌太任馳堯舜早駸駸蝦蟆何物思吞月熒  
惑終年尙守心九伐無功責司馬三驅不戒失前禽輪臺  
悔罷朱崖棄哀痛頻煩降玉音

周原禹甸此山川萬國梯航道路便牧馬未聞收賜地  
鷓鴣空見醉鈞天榆如雨墜星辰動桑並塵生海水遷犬馬

微軀須速朽莫逢兔舞鎬京年

阿柄愁看塔四旁威弧誰復懾天王壁觀鉅鹿頭成白師  
漏多魚耳變黃宗社有靈應黜檜皇天不雨合烹桑范滂  
早欲求幡薄歸把匡廬作首陽

香鑪雙瀑掛晴虹萬壑千崖入鏡中海水夜浮明月白仙  
山春滿落花紅桃源有洞漁迷路蕙帳無人鶴唳空腸斷  
當年呼母處書窗網徧吐絲蟲

望斷家山又好春瀟湘魚鳥舊情親峯青江上真如夢草  
綠湖南不見人魯仲可憐黃鶴子王褒空祀碧雞神風光  
轉眼催寒食忍向天涯有此身

著鞭火速促羲和堪笑癡人奮魯戈美酒十千宜作達少年三五易成漣漢家麟閣今誰在齊國牛山古若何遺臭流芳同一瞬固應笑罵且由他

休論盜跖與顏回淚眼聊隨笑口開桂樹秋山賦招隱杏花春雨送歸來姊從天上申申詈佛說人間事事哀方丈蓬萊方寸涌黃金宮闕白銀臺

金戈鐵馬無頭鬼粥鼓齋魚有髮僧淚爲情枯多化血墨因詩鈍屢成冰孟姜城圯軍皆哭王粲樓空客獨登勉寫菩提明鏡偈何如北秀對南能

諸公同游魚山口號

海水照人青鬢髮天風吹我素衣裳蕭蕭班馬長城窟鬱鬱盤雕古戰場前踞龍頭後龍尾上攀羊角下羊腸邊牆故蹟熊經略幕府高賢鹿太常初月如眉畫姜女亂山無語送秦皇八千子弟三千客今日何曾是異鄉

和劉希陶丈從軍渝關韻

一身体戚有何關天下安危繫此間二老同心居北海卅年回首臥東山江湖廊廟分憂樂帷幄疆場獨往還我亦資沅游釣侶功成願逐赤松閒

疊前韻二首贈劉十二丈

祖龍城堞佛狸關有此東西屋兩間未許端明歸洛社難

辭綺季出商山一雙老子聯牀坐十萬兒郎破敵還何似  
逍遙堂上雨白頭坡潁夜鐙閒

先憂後樂早相關千丈裘連厦萬間露布定寒西夏國雲  
臺應畫富春山兵符黃石傳三略仙藥丹鑑鍊九還他日  
僿佺偕綠野更談遼海一消閒

感事五首

三月

遼海閭山作戰場關河極目迴蒼蒼將軍但解三遺矢節  
度空存半段槍出柙由求同縱虎多歧臧穀兩亡羊邊民  
莫惜壺漿竭早晚旌旗出順昌

昆明戰艦久成灰火照陪京更可哀廿四郡惟顏固守八

千人望項重來汗同石馬昭陵護糞異金牛蜀道開終古  
陳濤斜畔路常如萬鼓沸驚雷

鉅鹿惟應作壁觀何人長劔斬樓蘭中朝舊議封關白上  
相新聞使契丹海外盟書烏鰓墨行閒從事駿驥冠魚龍  
偃蹇波濤惡袖手東溟冷釣竿

京洛鷓鴣嘯羯亂華淮淝鶴唳客思家已添秦帝還齊帝徒  
望宗爺復岳爺下澤當騎款段馬常山枉策率然蛇鶯飛  
草長人閒世痛哭江南又落花

素衣豈意變青袍碧血終求濺寶刀天末游仙魂似影夢  
中哭母淚如膏招魂爲我呼皋復束手看人唱董逃欲賦



懷沙仍未果真無面目讀離騷

題張耕三大令鼻煙原始

五洲人讚鼻功德四庫書添掌故家銅柱朱崖感今昔玉樓銀海補尖又卽微知著如觀火借瑣消奇當品花博望封侯兼博物祝君助業繼騫華

卽事書懷四首

白衣豈慕李長源阜帽聊同管幼安韜略六三羞虎豹騷詞廿五感龍鸞軍書竟日如經讀詩卷他年作史看欲弔田疇無處所春風吹淚灑烏桓

人言市虎豈傳訛歷境天驕似織梭幕上謹呼烏與燕榻

言寢息蜃兼鼉心胸我自開同甫頭項誰當欣阿麼生死  
關頭惟兩法魏公斲睡孔絃歌

天涯淚滿孟郊衣何況人間萬事非雲外有書新雁帛雪  
中無夢舊鴛機春深紫塞花將放日暝黃陵客未歸弟妹  
淒涼慈父老那堪回首望庭闈

海上高城城上樓登臨何計可銷憂邊疆嘅弔熊襄愍鄉  
里興懷馬少游燕草碧絲春有腳胡沙黑夜鬼無頭餘生  
不用多惆悵已誓三年正首邱

和晏雲耕送湯蟄庵原韻四首

餘生天地一冥鴻豈意羈栖萬矢叢叔夜夢魂慙柳下伍

員身世在蘆中發兵光武頭鬢白望帝開明淚眼紅披髮  
祇應求速朽任他蝸角兩爭雄

楚材幾輩起駸駸碣石春寒幕府深百濟風雲新煮酒十  
洲煙雨舊題襟虬髯寂寞屠鯨事猿臂淒涼射虎心好結  
沅湘忠義社莫徒香草動行吟

圓嶠鼇翻柱屢頽撐持也費古今才鹿爭楚漢嗤劉項麟  
獲春秋感定哀王母豈能安少廣蚩尤且欲射軒臺茫茫  
六合無乾土痛哭田橫島上來

鐘簾靈長儻不驚與君挑燭語神京雲霞出海丹心照日  
月行天赤手擎駿馬久銷燕地骨荒雞頻作晉時聲夜寒

向壁無言語雄劍相依識此情

五疊韻寄夢湘伯棠

天涯悽絕一龍泉得故人書自日邊張敏夢迷芳草外伯  
之魂斷雜花前人歌人哭逢三月傷別傷春送卅年滿目  
新亭舊風景君山流涕豈徒然

采薇驚女弟呼兄萬古冰壺照淚清會晤何期報蘇武別  
來無恙問春卿神州赤縣方多難海國青童苦弄兵祇合  
廣桑重握手一甕敷坐話平生

南望桃花北雪花空將性命逐輕車墨磨盾筆爲詩硯錢  
掛矛頭當畫又有句招魂龍伯國無書封禪馬卿家寄言

牛缺何須悔人海茫茫盡藕沙

匡魑其奈仲尼何咄汝黃巾與白波置壁柏人心豈動回  
車勝母淚空多誰能竭海酬精衛已辦還鄉借橐它明日  
南歸天更遠獨絃從此不成歌

六疊韻寄夢湘伯棠

仰悲碧落俯黃泉血淚因風濺九邊四大輪空禪定後六  
州錯鑄我生前雞豚逮養成千古犬馬偷存贖兩年料得  
龐公新上冢定懷游子一悽然

海內相知好弟兄天涯心跡有雙清生魂祭待王炎午死  
骨歸煩范巨卿道路何如二三子沙場也等八千兵青林

黑塞頻來往夢裏休驚太瘦生

春晚邊關不見花踏青何處忍停車東風遠浦漁帆仄斜  
日長城鹿柴又馬色桃花秦斤堠雞鳴桑樹晉人家沈湘  
蹈海成虛語未得懷沙愧此沙

幾人絳灌幾隨何誓翦鯨鯢靖海波燕地黃金如土賤秦  
時白骨比山多執戈我未從汪錡抽矢人休問尹佗淒絕  
殘生杜陵客皇天仰視獨哀歌

七疊韻寄夢湘伯棠

蔭柏依蘿飲石泉獨吟山鬼向天邊屏王竟欲居牛後驕  
虜何曾拜馬前星犯少微求死日雲高太甲中興年故人

思我然疑作今我思君亦有然

寄書樵弟與漁兄歸去江潭照眼清漢武臺前傷沈炯陳  
琳墓下感飛卿關山月色三年笛草木風聲萬國兵我本  
舉魚思立槁豈甘久作棄縵生

扶桑樹底發櫻花未返嬴秦載鮑車降表固應傳李昊諛  
金只恐遇劉叉淒涼員尙辭三戶狡獪操丕出一家畢竟  
天心難悔禍千秋遺恨博狼沙

格天偃月事如何滿目蓬萊變淺波似報韓人讐俠累未  
聞鄭伯減宣多謳歌恐不謳歌汝笑罵還由笑罵他只合  
潁川歸洗耳免聽野哭與夷歌

自關入都道中八疊韻

無戈揮日返虞泉有淚成河注海邊行見鹿游吳苑裏甘  
教妓舞魏宮前薰天媪相空持國割地兒皇尙紀年我似  
陳東學尸解御風儻得速泠然

羞言尙弟與員兄故國滄浪水自清蓼蓼者莪應葬我離  
離彼黍不關卿牽羊好詣東西帝扣馬休逢左右兵痛哭  
麻衣從細柳初心負盡況平生

楊柳垂絲杏發花新亭風景又登車唐陵漢寢淒翁仲禹  
甸堯封媚夜又未識明年在何處請看今日是誰家神州  
春色如金貴只恨黃金不抵沙



殘年學易慕田何又恐空山變海波  
螻蟻烏鳶甯有異蜉蝣  
鶴豈爭多縱逃一死難逃再未卜  
今生況卜他欲返江東無面目  
重瞳愁絕帳中歌

和袁叔瑜韻五首都門畱別作

四月

投壺電笑一千場玉女麻姑鬢總霜  
春夢三生紅勒帛邊愁萬里  
綠沈槍宮前我自鄰金虎陌上人  
誰絆石羊漫向永嘉追正始  
漸從大定過明昌

一劫重添一劫灰後人空爲後人哀  
存亡已卜梁魚爛歌哭惟聞魯  
鶴來萬古神州沈陸盡九天閻闔  
向陰開可容枯坐匡廬頂飽看奇  
雲聽怒雷

楸枰袖手作旁觀走馬重驚過上蘭杜甫故人逢李白荆  
卿此地別燕丹飯山日午頭遮笠易水風蕭髮指冠眼底  
橫流是滄海諸君何處辦漁竿

忍向人間問歲華早歸魚腹當還家青天碧落終依母黑  
水黃河久別爺任吠狺狺遭虎豹拚呼起起應龍蛇劉郎  
此去成終古揖謝元都觀裏花

秦哀尙欲恤同袍崇伯真宜用副刀懸首藁街須飲血然  
臍郿塢定流膏麒麟尙與春王守魑魅終難夏鼎逃好作  
一經誅亂賊莫徒孤憤寫牢騷

和伯棠送別韻

麥漸漸

平聲

秀黍離離此景誰期此度知身世難求千日

酒江山祇賺一年詩於今東海無連冢終古南湘有屈祠  
雖別總居天地內死生珍重保瓊枝

和馮夢華贈詩韻

已身相逢在廣桑不成死別更堪傷依劉幾日哀王粲誅  
拜今時望少康燕市血藏三歲碧楚山骨返一杯黃他年  
可料君思我擁鼻微吟薜荔裳

再和韻

那覓閒閒十畝桑置身無地始堪傷自然流涕如周顛何  
以銷憂有杜康四序天工蒼代黑五洲人種白吞黃才知

一片中華土不抵句驪與越裳

三和韻

久學浮屠不宿柔底須憔悴復憂傷無多橡栗唐天寶何處桃花晉太康海水依然如此綠京塵遮莫向人黃江潭魚腹堪投老終古芙蓉與作裳

出都九疊韻

國門一出驥奔泉回首觚棱夕照邊盈地龍蛇車始露九關虎豹席難前西山送客如當日東海揚塵祇半年我比金仙辭漢早固應無涕可潸然

無著天親弟與兄靈山佛會記來清百年此別生同死一

息猶存我卽卿安石豈消中歲痛維摩難救下方兵都應  
化作飄風去莫學浮雲滅又生

揖別元都舊種花劉郎無分再停車死留李白詩千首生  
哭楊朱路幾又那用青春同作伴得歸黃土勝還家樂遊  
原上斜陽好明日昭陵萬里沙

故人有約學羊何珍重禪心并不波千歲憂憑懸解澹九  
州才莫陸沈多青青薺麥還如許采采芙蓉欲寄他十二  
萬年無此別大書天問作驪歌

魂南集序

天寒歲逋雨雪載涂馬瘖僕痛稅于長沙而吾友易君實甫先在丁令威之身豈未化鶴而旋歸申包胥之痛哭雖碎首而奚益文種東適猶稱大夫鍾儀南冠豈非君子蒼梧雲暗叫虞舜而不聞幽蘭露濡逢楚老而徒泣賈生賦鵬之地宋玉招魂之鄉飛龍翩翩胡繩纏纏述德之賦感切於陸機乞身之牋事哀於班仲營魂若識隆恩婁抽冤氣漲湖憤霞積嶽覽其魂南一集良用唏矣咎君青袍赴敵白衣詛行江夏纍臣下邳亾命將軍玉帳申造鄉之密謀壯士金戈奮磨鼻之効瀋耿恭之誓斲勒越石之歌扶

風重趼沙溟之場變色風雲之表豈期出師未捷及關而  
愁太皓轉而馬首欲東碣石臨而樓船不發斯時也巫臣  
行反間之計匈奴肆無厭之求斬馬之劍不殞盧龍之塞  
已賣構桑宮闕赤燦畫騰木蘭壇觀白霧宵歷問遼東之  
鶴飛去誰家聽津橋之鵲唳來日暮樞府已包荒爲廟略  
聞帥呂坐鎮爲國威烏枚勤王之師狼跋和戎之局君卽  
執爰忼槩攘臂支離從先軫已喪元效申屠之負石亦牛  
毛之一亾沙蟲之自化耳國何利焉名何仁焉又況王裒  
廬墓母服未除石建滌臉親季尙在舍耒無王霸之子袖  
椎尠朱亥之朋秦嘉贈婦惻愴情言靈均禽婁嬋媛騷怨

國無人兮算我知兮宜乎易君哀時九歎側身四愁觀歧  
路呂回車問金庭而呵壁也豈止河梁錄別宛洛思歸魯  
子推搜焚山之節仲連高蹈海之諠擁鎌者立槁鉏隴者  
奔蔬矯矯志事邈難齊矣若乃中季哀樂皋橋羈旅騷故  
國之山河墜癘池之喬木將遂挂冠神武捐佩洞庭山鬼  
呂薜荔當衣湘妃呂杜蘅爲屋屏風九疊葦匡山之舊巢  
木奴千頭有橘州之別業稽中散之放誕且盡餘季殷仲  
文之婆娑唯傷生意涇沫而啣曼衍呂游斯固志士所甘  
心英雄之末路哉然而臥龍躍馬人事何期蟲臂鼠肝吾  
生隨遇方朔陸沈於金馬侯嬴馥放於夷門吾觀易君珊



珊碧雲之骨琅琅秋玉之音橫涕而覽九州仰屋而憇千  
歲黃石之兵符已矣青蒲之諫艸焚如擷此幽吟愴予歸  
志南洲接壤請從魚鯁卜居北山移文毋使猿鶴騰詭武  
陵陳銳

四魂集卷三

哭盒叢書

易順鼎哭盒

魂南集詩七十一首

將自唐山赴臺灣同人賦詩贈行因和楊德甫兵部韻留

別

乙未五月

難向重華達片言皋陶不下問沈寃遊魂八極身爲轡賁  
恨千齡口似鞭肯讓秦人翦鶉首欲迴周紀次天黿寸心  
自比夔江石那信東吳未可吞

暴虎憑河豈問他不妨魑魅喜人過寂寥故國山中月蕩  
漪天風海上波雲汝衣裳辭九土雨來戈戟戰羣魔盧龍

塞遠朱鳶近賺取離歌作挽歌

有誰髯似仲堅虬莫畏扶餘路阻修  
回日戈思魯陽戰切雲冠學屈原遊  
神人姑射遙相待佚女娥臺近可求  
小別千年行萬里故應魂斷日南舟

和韻別劉十二丈侃

瘠肥肯與越秦關伯仲真堪伊呂間  
赤幟方宜樹湘水白衣莫遽返衡山  
雲龍鳥欲問鄰去風馬牛將盟楚還  
明日天涯回首望斗南斗北兩翁閒

津舟感懷四首

餘生重折昔年樽溟渤枯時淚始枯  
帆席有情塞海月褐

衣無恙繡天吳龍堂鱗屋靈均怨牛鬼蛇神伯益圖宇宙  
沈寥雲物詭成連去後此琴孤

搜去金錢擲谷神誘來烽火照天津白狼元菟都非我青  
雀黃龍已贈人王母有圖呈益地麻姑無術救揚塵海波  
自綠池灰黑送盡田橫島上春

敷天左衽切同仇聞道炎荒戰未休丹穴生靈薰越翳烏  
桓部落奉田疇遼東高節思龍尾海上奇功望虎頭但使  
天留人種在珠崖還作漢神州

浮空遠水一孤帆幾日雲山指赤嵌醉翦鷄維欺上帝醒  
埋魚腹訪彭咸雜懸自昔鐘難享精衛從今石永銜我欲

問天還問海天風吹我髮髟髟

煙臺舟中和韻紀事

一樹仙桃對佛桑中年哀樂使人傷  
鳶肩旅客懷貞觀驢背英雄送靖康  
海上星方明太白天邊月又照流黃  
大羅雖遠神山近聽水聽風譜霓

去聲裳

上海點春堂卽事

曲榭閒房靜且便日長消受一鑪煙  
墜階涼雨時鏗爾當戶靈風每肅然  
尙與魚龍同此海不知鸞鶴住何天  
梧桐樹下宜高枕小夢遊仙十萬年

閩舟感懷四首

泮河江上訊唐蒙  
萬里初乘舶  
趨風忍恥滅吳求  
范蠡寫憂適越學  
梁鴻采薇采藥餘  
生在浮芥浮萍四  
大空獨倚樓船增  
悵惘中原何處覓  
英雄

珠崖棄地豈良圖  
赤手擎天一柱孤  
忍見伊川皆野祭  
況聞倉葛有人呼  
故鄉真定辭先壟  
異代延平訪舊都  
南越今方爲漢守  
長纓祇願繫東胡

魚龍猿鳥共悲號  
棖觸琴聲和海濤  
世外有天穿混沌  
人間無地葬牢騷  
謝公昔欲凌窮髮  
葛相今思入不毛  
六合難尋乾淨土  
惟應汗漫逐盧敖

虎穴鮫宮盡等閒  
東藩憑軾又南蠻  
文身好避蛟龍害  
散

髮聊隨麋鹿班太甲搏扶吟子美零丁惶恐說文山行囊  
博得飛仙句瀛海波濤任往還白仙句

十疊渝關唱和韻四首

津榆幾日又漳泉南越東胡兩極邊可奈浮生如夢裏難  
將清淚到君前素車白馬招魂地紫氣青牛學道年獨挂  
雲帆濟滄海中流回首一潸然

孤鴈南飛少弟兄眼中雲物更淒清竿垂海樹追巢父車  
載胡琴訪曼卿皂帽何如歸漢客黃巾正有下江兵懷忠  
履信波濤慣不向天吳託死生

中朝委鬼結茄花此日王尼合露車一鳳覽暉身欲隱六

鼉供釣手休，又射城箭札。貽燕將下瀨，戈船想漢家。哀郢  
沈湘三石侶，願先唐蔑殉垂沙。

去國離鄉意，若何扁舟散髮。弄滄波零丁洋，遠家何在。思  
子臺高淚幾多，清淺東溟重。對此淒涼南斗，獨看他天風  
海水真無賴，喚起蛟龍與和歌。

遊廈門鼓浪嶼

餘生豈意到龍堂，也算東坡笠屐鄉。青綠山川圖小，李丹  
黃村落認諸楊。樓臺照海雲千尺，島嶼浮空水一方。二十  
年來尋夢影，卻將血淚染斜陽。

書憤



鼠端持兩技終窮兔窟營三計枉工黃屋何勞效椎髻烏  
江早擬渡重瞳蜃樓人物形纔具蟻國衣冠夢已空如此  
頽波誰爲挽焚香泣血叩蒼穹

臺舟感懷四首

此行端不爲鱸魚萬里南舟駕日車漢棄朱崖非得已越  
薰丹穴果何如久輕陸賈千金橐欲達劉公一紙書碣石  
瀟湘迷處所海天極目獨愁予

火維朱鳥在南窗蝸角稱兵有舊邦空慕班超探虎穴豈  
知項羽走烏江六州錯鑄金甌缺一局棋枯玉斗撞且自  
全軀保妻子資多終得擁旌幢

順昌聞道有劉錡赤手空拳半壁支卽墨田單爲守將  
唯陽南八是男兒兩河忠義旌旗在萬福威名草木知誰識  
洛陽年少客撫弦懷壯共登陣

漫道扶餘擁仲堅海濱鄒魯日中天潮州謫宦能驅鱷  
汐社遺民有拜鵠千聖降靈留命脈九州同氣拒腥羶  
遼東皂帽聊城矢一節徘徊愧昔賢

贈臺將

閏五月

魚龍草木畏威名雞犬桑麻慶再生燕領虎頭班定遠  
鯢身鹿耳鄭延平孤城斗絕三千里一將強於百萬兵  
耿耿丹衷惟許國皇天應鑒此精誠

寓臺詠懷六首

玉門何路望生還，恍惚長辭天地間。  
黃耳音書隔人海，紅毛衣服共雲山。  
亡秦敵血今三戶，適越文身古百蠻。  
皂帽蓑衣未歸客，獨慙無術救時艱。

田橫島上此臣民，不負天家二百春。  
中露微君黎望衛，下泉無伯檜思郇。  
誰忘被髮纓冠義，各念茹毛踐土身。  
痛哭珠崖原漢地，大呼倉葛本王人。

愁上高樓望夕烽，東南佳氣幾時鍾。  
水遮王母三千里，山隔劉郎一萬重。  
故壘陣圖夔府石，荒城牌字象州松。  
鯨鯢京觀分明在，何事天驕訪舊蹤。

延平祠廟鬱岩堯割據英雄氣未消見說杜鵑啼蜀帝不  
妨桀犬吠唐堯廿年賜姓空開國再世降王已入朝十二  
銀山掀鹿耳精靈猶作伍胥潮

海錄虞衡覽物華南方卑濕過長沙鉤輅格磔人如鳥答  
遷離支果勝花日暎炎洲無翡翠雨昏瘴窟有龍蛇采風  
番社何人事惟見蒲桃載滿槎

寶刀未斬郅支頭慚愧炎荒此繫舟泛海零丁文信國渡  
瀟兵甲武鄉侯偶因射虎隨飛將苦對盤鳶憶少游馬革  
倘能歸故里招魂應向日南州

續寓臺詠懷六首

二百年前蝨處禪  
涵濡煦育子生孫  
久無劇盜萑苻澤  
那有強藩桔柣門  
麥飯牛羊亡國壘  
桃花雞犬遠人村  
昆明池上旌旗在  
誰撥殘灰驗劫痕

浪泊炎風跼跼鳶  
書生翻作馬文淵  
零丁洋外疑無地  
大甲溪邊別有天  
虎齒所居樓十二  
鴻毛難載水三千  
中原一髮何時達  
目斷齊州九點煙

賈誼長沙已自傷  
長沙今更隔瀟湘  
元蠶赤蟻蒼梧野  
紫蟹黃魚白葦莊  
海水似牆遮北極  
火雲如蓋覆南荒  
災方怪底無冰雪  
都作羈人鬢上霜

天末孤城城上頭  
登臨無地可銷憂  
藤蘿蘆荻如夔府  
蒺藜

荔芙蓉似柳州墜露沈雲都入海驚風密雨總當樓大荒  
我有他年約披髮騎麟再訪秋

八表風雲一劍磨夜騎天駟度天河梳頭逆旅逢張妹椎  
髻蠻夷起趙佗折節太原公子在感懷真定弟昆多寶刀  
難斷東流水萬古愁心奈爾何

哀郢懷沙死拒秦平生幽怨楚靈均白麟奇木長纓客紫  
鳳天吳短褐人南北恍超風馬海東西愁近殺牛鄰卜居  
終在江魚腹歲歲三閩占好春

遊廈門南普陀二首

一自絲田隱不偕板輿追念獨傷懷見佳泉石惟思哭遇

好溪山便欲埋已誓首邱成羽化尙慙面壁學心齋炎荒  
風景還如夢兩道清湍百尺崖

不向瀛南靖蜃樓卻來江上弄漁舟榕能綠日天無夏稻  
已黃雲歲有秋六月圖南海東運七星在北漢西流風煙  
一壑休縈念早辦騎鯨越十洲

別臺詠懷四首

敢云忠信涉波濤海闊天空任所遭五兩風輕雙鳥羽三  
千水弱一鴻毛南窗朱鳥貽書札東國青童畏佩刀爲念  
君親思效死渡瀛往復不辭勞

炎荒十日小盤桓皂帽依然返幼女照汗青詩文渡海滿

江紅曲岳懣闌遑求澤國持龍節頗負邊人望多冠猶有  
伏波橫海志書生戎服一登壇

使越何曾計橐資遠遊心事楚騷知麒麟鳳鳥爲先戒翡  
翠鯨魚入小詩送別五千人檣李壓裝三百顆離支白雲  
黃竹瑤池路穆滿重來定幾時

墨經麻衣歲雨更空悲萬里請長纓蠻煙瘴雨添行色海  
水天風和哭聲馬革死輸鴟革死龍工生勝鳥工生虛空  
已卜年餘到不向人間更紀程

續別臺詠懷四首

八極神遊世界空寒門燦闕往來中東雲龍向西雲露南



海牛從北海風館問碧蹄平秀  
古城尋赤嵌鄭成功紛紛  
蠻觸都經眼莫把英雄濶乃公

十二連山擁白銀水晶宮闕與爲鄰  
鼉騰軸底思掀地龍  
入窗中欲攫人水立九天雲四海風乘萬里日三神  
臨淵翻酒垂堂淚蟻蝨從何有此身

走南走北竟如狂衝暑衝寒祇自傷  
春露秋霜悲故國炎  
風朔雪感天王胭脂坐令輸胡地  
翡翠何曾賺越裝總爲  
死生難自了人間天上兩高堂

九江英布聽隨何六郡任囂教尉佗  
萬里橋邊一杯酒三  
垂岡下百年歌深州未出牛元翼  
浪泊難歸馬伏波回首

鴉軍斜日遠風雲無計起沙陀

旅寓金陵書感二首

六月

鐘山紫翠自緜緜日日高樓對夕曛  
虎踞龍蟠三國語猿驚鶴怨六朝文  
竟無禽喚奈何帝空有鬼稱幽獨君  
惟乞青天活埋我不須更弔死王墳

家山一別欲經年幾委殘軀道路邊  
憑軾請纓俱倦矣倚樓看鏡總茫然  
遮須國裏劉元海兜率宮中白樂天  
結束英雄仙佛好歸泉安穩勝歸田

晤黃公度於秦淮舟中賦贈

秦淮明月照船窗吳店飛花撲玉缸  
赤縣運窮猶有九黃

云下集 四云集卷之三  
童才老更無雙菰中隨筆憂天下桃左春秋紀列邦垂死  
恨君相見晚長瓢吾欲枕煙江

題張幹堂詩卷並感先德鐵瓶丈知己之雅

一卷琅玕入手來風塵倦眼爲君開楊梅孔雀通家誼翡翠鯨魚曠代才澤潞談兵傷列鎮通天上表弔高臺十年樂府張公子蕭瑟翻同庾信哀

夜雨挑鐙有所思風流如見鐵餅詩九京我欲呼隨會四海公會說項斯車過墓門防腹痛劍懸冢樹冀神知中興努力南軒業廉吏誰云食報遲

紀香驄邀同北友泛淮遇雨

主客堪呼許散愁天花多處任維舟未須桃葉一雙樂新  
共詩人文八溝東海生桑催後劫南皮沈李續前遊好奇  
竟犯神靈忌雷電掀窗不肯休

和黃公度題魂北集韻

親寫烏闌一首詩先生比我定還癡魂歸來些蘋齊葉心  
悅君兮木有枝今日正須炎午祭異時猶勝子雲知速填  
溝壑吾真幸免得憂天賦黍離

立秋日公度同坐寓齋山亭再和

快閣新秋好賦詩公家事了不妨癡風來水上搖蘋末月  
到山中浸桂枝四大禪牀無處坐三生公案有人知與君

暫學羅浮狀煙雨蒼茫自合離

立秋夕淮舟卽事

花逢摩詰從何著樹似蘭成漸已枯錦纜朱簾鷗與鵠紅  
襟白項燕兼烏廿年白下尋秋客一幅江南聽雨圖對此  
茫茫翻忍淚怕疑阮籍哭窮途

武昌贈吳樵

七月

昔余弱冠子髻齡煙櫂虹舟泛洞庭慘綠年華外黃辨汗  
青事業太予經雌龍劍氣雄龍感雛鳳書聲老鳳聽今日  
重逢將廿載自憐倚玉是枯形

薛次申枕經書屋圖

魏公名業煊天下更有南軒讀父書  
綠野午橋籌國後青箱甲部鑿楹餘  
六經皎日無興廢八表奇雲待卷舒  
莫把元亭成錯喚他年應認臥龍廬

和仲修文韻兼懷公度

覽盡南溟與北溟欲將神馬澹心旌  
杜陵老去鷓鴣曾拜華表歸來鶴有聲  
天地何顏重對我江山底事便忘兵  
蓬萊莫道真乾也

用公度  
詞語

熱血還同海水生

廈門寓樓中秋感興二首

八月

常娥與我共無眠  
淚眼成枯望眼穿  
大地山河將破碎  
古今人月幾團圓  
八千餘萬可憐戶  
三十六重離恨天  
玉宇

瓊樓歸未得卻來海上作飛仙

淒涼蟋蟀伴空牀縹緲麒麟跨大荒  
露下披衣天宇白月中橫笛海山蒼  
英雄未免傷兒女仙佛強於作帝王  
佳節今生還有幾莫催明鏡滿秋霜

與俞憲士遊南普陀憲士作磐陀對話圖

精藍負岫起嵯峨榕樹陰中對遠波  
身世九州雙涕淚乾坤萬古一磐陀  
秋聲浩浩人間去斜照荒荒海上多  
桃梗漫憐看土偶寒山拾得較如何

題林篔雲郎中詩卷兼諷林詩甫卿使

卽論詩思已清新肝膽輪囷更可珍  
蹈海魯連原志士輸

邊卜式亦名臣兩河忠義難忘宋三戶英雄好滅秦忍令  
梓鄉成異域回天終望主兼賈

和肇雲見贈

詩篇李嶠真才子飛鴈橫汾感慨多閩海淚枯唐日月燕  
雲心死宋山河赤眉故國通天表青眼高樓斫地歌二百  
餘年應有此 先皇雨露在菁莪

感事和肇雲韻

九月

海天孤島瘴雲陰灰滅田橫一寸心南國蓀荃忍終古西  
山薇蕨到於今黃圖九夏安危局青史千秋得失林死作  
閻羅生柱國笑他無福比韓擒



和岳堯仙孝廉韻

南雲萬里翼低垂  
間共鳧鷖憩水湄  
貫日有心虹欲冷  
補天無術石空奇  
聊將左股蓬萊恨  
說與山阿薜荔知  
何用摩崖紀名字  
百年而後子爲誰

時有題名南普陀之舉

再和

西蜀神交十載垂  
相逢翻在瘴江湄  
三生對石緣非幻  
九死看山遇亦奇  
天外有秋夢  
遠客中送客海雲知  
漆身勞面還吞炭  
昔日少年今日誰

三和

白日荒荒南斗垂  
與君來醉水之湄  
海爲杯杓戶應大  
雲